



Møtebok for Formannskapet

Møtedato: 22.03.2022
Møtestad: Formannskapsrommet Flodmaal
Møtetid: 10:00 - 14:00

Etter møtet vert det synfaring på driftsbygningen til Stian Steinsland, som han fekk støtte frå Næringsfondet til.

Frammøtte medlemmer	Parti	Rolle	Merknad
Kjetil Eikefet	SA	Ordfører	
Ann-Jorunn Farestveit	SO	Varaordfører	
Liv Anne Aanesen	SA	Medlem	
Kristin Nåmdal	SA	Medlem	
Håvard Engeseth	SO	Medlem	

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Administrasjon	
Tone Selmer Skuggevik	Teknisk sjef	Administrasjon	
Tonje Husum Aarland	Ass. rådmann	Administrasjon	

Sakliste

Saknr	Tittel
005/2022	Godkjenning av innkalling og saksliste
006/2022	Godkjenning av møteprotokoll
007/2022	Referatsaker
008/2022	Orienteringssaker
009/2022	Kommunedelplan for vassforsyning,avlaup og vassmiljø
010/2022	Løyving til rassikring ved Bryggjeslottet - fase 2

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	22/48

Saksnr	Utvalg	Type	Dato
005/2022	Formannskapet	PS	22.03.2022

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Formannskapet - 005/2022

FOR - behandling:

Samrøystes vedteke

FOR - vedtak:

Innkalling og sakliste vert godkjent

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-033	22/48

Saksnr	Utvalg	Type	Dato
006/2022	Formannskapet	PS	22.03.2022

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Formannskapet - 006/2022

FOR - behandling:

Samrøystes vedteke

FOR - vedtak:

Møteprotokoll vert godkjend slik den ligg føre.

Vedlegg:

Protokoll - Formannskapet - 09.02.2022

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	22/48

Saksnr	Utvalg	Type	Dato
007/2022	Formannskapet	PS	22.03.2022

Referatsaker

Underliggende saker:

Saksnummer	Tittel
007/2022.1	Svar søknad om kulturmidler

Forslag til vedtak:

Referatsaker vert tekne til orientering.

Saksopplysningar:

Formannskapet - 007/2022

FOR - behandling:

Samrøystes vedteke

FOR - vedtak:

Referatsaker vert tekne til orientering.

Sakspapir

Saksbehandler	Arkiv	ArkivsakID
Anneli Vathe Lillsetvedt	FE-033	22/48

Saksnr	Utvalg	Type	Dato
008/2022	Formannskapet	PS	22.03.2022

Orienteringssaker

Forslag til vedtak:

Sakene vert tekne til orientering

Saksopplysningar:

Formannskapet - 008/2022

FOR - behandling:

Orientering frå ordførar om utkast til høyringsinnspel til Vestland Fylkeskommune sin Regional Transportplan (RTP). Utkastet til høyringsinnspelet vart gjennomgått på skjermen og blir sendt ut til medlemmene for innspel og ta ein gjennomgang etter møtet.

Lage film for å vise dei konkrete punkta - legge lenke i høyringsinnspelet. Ordførar Kjetil Eikefet har utarbeida utkast til høyringsinnspel til økonomisk handlingsprogram og investeringsprogram i Regional Transportplan.

Kristin Nåmdal: Det er viktig at dette vert eit felles dokument, og vil vere eit av dei viktigaste kanalane for å gje tilbakemelding om behov til Modalen kommune. Nytte vår rolle til å kunne påverke.

Håvard Engeseth: Busskorrespondanse Ostereidet - Modalen; viktig å få fram detaljane kring dette.

Liv Anne Aanensen: Asfaltering - og fokus på kvaliteten av dette.

Orientering frå rådmannen om mottak av flyktningar frå Ukraina.

Det er meldt tilbake om at Modalen kommune er positivt til å ta imot flyktningar frå Ukraina. Det har gått ut førespurnad til innbyggjarane i Modalen om det er ledig utleigebolig, og ein har fått nokre positive tilbakemeldingar her. Modalen kommune er oppmoda frå IMDi til å busette 20 flyktningar i 2022. Det er ikkje konkretisert kortid desse eventuelt vil komme.

Kommunestyret vil få orientering og handsame ein tilbakemelding til IMDi om dette i førstkomande møte. Formannskapet ønskjer å vedta ein formell uttale om kva ein meiner om Russland sin invasjon av Ukraina, som vert handsama i kommunestyret. Ordførar og rådmann kan kome med forslag til ein organisasjon som kommunen kan sende pengar til, som kommunestyret kan vedta.

Orientering frå ordførar om møte med Eviny:

Tema er gjeldande konsensjonsvilkår, og særskilt vilkår 19. Eviny kjem onsdag 20. april for møte med kommunen. NVE gjer sluttvurderinga kring laksetrapp.

Orientering frå rådmannen om besøk frå leiinga frå Haraldsplass Diakonale Sykehus. Fokus på møtet vert på Helsefellesskap og andre relevante avtalar.

Orientering frå assisterande rådmann om samarbeid om barnevern

Modalen kommune kjøper barnevernstenester av Vaksdal kommune. Kommunane Osterøy og Vaksdal er i ein prosess for å inngå avtale om interkommunalt vertskommunesamarbeid om barnevernstenesta. Modalen kommune avventer handsaming til det er avklart kva Vaksdal kommune vedtek å gjere

Ordførar orienterte om at det vert ope møte med presentasjon av rapport om næringsutvikling frå Industriutvikling Vest tysdag 29. mars klokka 1800 i kommunestyresalen

Spørsmål/innspel frå Kristin Nåmdal:

- Høyring om regional planprogram for fornybar energi. Frist 23. april 2022. bed om at Modalen kommune sender høyringsuttale.
- NVE rasvurdering av fjellparti; er det liknande overvåking av Slottet i Modalen? Teknisk sjef: NVE vurderer jamleg og kartlegger bevegelser i områder i kommunen og det er jamleg kontakt mellom kommunen og NVE.
- Oppfølging av kulturplan og stiplan/plan for rydding av turstiar i kommunen.
Innspel om dialog med grunneigarane om etablering og vedlikehald av stiar.
Møte med Bergen og omland Fritidsråd (BOF) om kartlegging av områder. Det er planlagt orientering frå BOF i mai i Kommunestyret. Avklaring av roller og kven som kan ta kontakt med kven, samt krav til planlegging ved merking av turstiar og struktur rundt dette (parkering ol.)

Samrøystes vedteke

FOR - vedtak:

Sakene vert tekne til orientering.

Sakspapir

Saksbehandler	Arkiv	ArkivsakID
Tone Selmer Skuggevik	FA-M09	20/96

Saksnr	Utvalg	Type	Dato
	Kommunestyret	PS	
009/2022	Formannskapet	PS	22.03.2022

Kommunedelplan for vassforsyning, avlaup og vassmiljø

Forslag til vedtak:

Modalen kommunestyre vedtek kommunedelplan for vassforsyning, avlaup og vassmiljø slik den ligg føre.

Saksopplysningar:

Bakgrunn:

Gjeldande VA-planar for Modalen kommune er frå 1997 og er såleis av eldre dato. Det er behov for å vedta ny plan med reviderte målsetjingar, oppdatert status og tiltak for å sikre vassforsyninga, avlaupshandteringa og vassmiljøet i Modalen.

Det er utarbeidd ein felles kommunedelplan for sektorane vatn og avlaup.

Oppstart av planarbeidet vart vedteke av formannskapet i Modalen hausten 2020. Det vart nedsett ei kommunal prosjektgruppe som har leia arbeidet med kommunedelplanen. Norconsult AS er rådgjevar for planarbeidet og har delteke i prosjektgruppa, som består av følgjande medlemmer:

Tone Selmer Skuggevik, Teknisk sjef

Kjell Langeland, Konsulent Teknisk

Njål Bolstad Eidsnes, Ingeniør Teknisk

Johan M Hansen, oppdragsleiar Norconsult

Ingrid Vatne, Rådgjevar Norconsult

Hausten 2020 vart det utarbeidd eit planprogram for planarbeidet. Melding om oppstart av

planprosessen vart sendt til offentlege mynde og lag, samt kunngjort på kommunen sine heimesider. I tråd med plan- og bygningslova vart planprogrammet lagt ut til offentlig ettersyn av formannskapet 29. oktober 2020, med høyringsfrist 09.12.2020. Planprogrammet vart vedteke i kommunestyret 18.02.2021.

Vurdering

Planutkastet vart etter handsaming i Formannskapet i møte 23.11.2021 lagt ut til offentlig ettersyn i perioden 10.12.2021 – 21.01.2022. Det kom inn høyringsfråsegn frå Norges vassdrags- og energidirektoratn (NVE), Direktorat for minerealforvalting (DMF) og Vestland Fylkeskommune.

NVE har ingen merknader til planutkastet. DMF peiker på at mineralressursene i Modalen kommune må takast omsyn til ved prosjektering av nytt VA-anlegg, slik at ressursane ikkje vert forhindra. Vestland fylkeskommune har fleire innspel til tekst som kan leggjast til planutkastet om Modalen sitt arbeid med vassområde Voss-Osterfjorden, samt tiltak om kartlegging av dei separate avlaupsanlegga. Innkomne merkandar og korleis desse er innarbeidd i planen er vist i vedlegg 1. Komplette innspel er vist i vedlegg 2. Modalen kommune takkar for gode innspel til planutkastet.

Kommunedelplanen er delt inn i fire delar (Del A-D). Del A er felles for vassforsyning og avlaup og tar for seg bakgrunn og rammer for planarbeidet, mellom anna lovgrunnlag og sentrale forskrifter, tilhøvet til andre planar og korleis arbeidet med vassforsyning og avlaup er organisert i kommunen.

Del B tar for seg vassforsyninga i kommunen. Der vert det gjeve skildring av eksisterande anlegg samt naudsynte tiltak for vidare utbygging og forbetring. Tilsvarende handlar del C om avlaup. Del D visar ei oversikt over prioritering og kostnadskalkyle for tiltaka.

Føremålet med planen er å sikra at alle i Modalen kommune til ei kvar tid skal ha tilgang til nok og godt drikkevatt. Transport og reinsing av avlaupsvatt skal vere i samsvar med regelverk og NS-standard.

Som ein del av planarbeidet er det gjennomført risiko- og sårbarheitsanalyse (ROS) for vassforsyninga. ROS-analysen har identifisert fleire hendingar med uakseptabel risiko med omsyn til samfunnstryggleik.

Jamfør innspel frå Statsforvaltaren er det også gjennomført Miljørisikoanalyse for avlaup i planprosessen. Analysen identifiserer og understreker behovet for å få innmålt og dokumentert eksisterande anlegg.

Det er viktig å investera i vassforsyning og avlaupshandtering i Modalen dei kommande åra. I første omgang er det viktig å få oversikt over leidningsnettet og anlegg gjennom innmåling og etablering av digital leidningsdatabase. I tillegg vert det viktig å sikra tilstrekkeleg sikkerheit og kapasitet i vassforsyninga og å sikra tilstrekkeleg reinsing av avlaupsvatnet. Eksisterande kommunalt utsleppsløyve skal fornyast basert tilhøve i resipientane.

Tiltaka i planperioden gjev utslag i store økonomiske investeringar. Totalt er det planlagt tiltak for om lag 27 mill. kroner i perioden 2022-2032. I Modalen kommune vert vassforsyning og

avlaupshandtering subsidisert. Det er få abonnentar å dela kostandane og ved full sjølvkost ville gebyrnivået i planperioden blitt svært høgt.

Fastsetjing av gebyr og kor stor andel som skal vera subsidiert vert vurdert ved fastsetjing av budsjett hausten 2022. I planen er det vist korleis VA-gebyret ville blitt ved full sjølvkost i planperioden.

Tiltaka i hovudplanen er overordna tiltak basert på dagens informasjon om anlegga. Vidare undersøkingar kan endre omfang og korleis problemstillingane vert løyste.

Konklusjon

Rådmannen tilrår at kommunestyret vedtek kommunedelplan for vassforsyning, avlaup og vassmiljø slik den ligg føre.

Formannskapet - 009/2022

FOR - behandling:

Teknisk sjef Tone Selmer Skuggevik orienterte om kommunedelplan for vassforsyning, avlaup og vassmiljø og svara på spørsmål

Spørsmål/innspel:

- Private vasskjelder og kloakkanlegg; kommunen har ansvar for å ha overordna oversikt og handsame eventuelle søknader knytt til dette.
- Sjå boligutbygging og planane i samanheng.
- Handsaming av mineralundersøkingar.

Samrøystes vedteke

FOR - vedtak:

Modalen kommunestyre vedtek kommunedelplan for vassforsyning, avlaup og vassmiljø slik den ligg føre.

Vedlegg:

Kommunedelplan for vassforsyning, avlaup og vassmiljø 2022-2032_E03

Vedlegg 1 Innkome merknadar med vurdering

Vedlegg 2 Innkome merknadar komplett

Sakspapir

Saksbehandler	Arkiv	ArkivsakID
Tone Selmer Skuggevik	FA-D11, FA-X53	21/146

Saksnr	Utvalg	Type	Dato
010/2022	Formannskapet	PS	22.03.2022
	Kommunestyret	PS	

Løyving til rassikring ved Bryggjeslottet - fase 2

Forslag til vedtak:

Rådmannen tilrår at det vert løyvd totalt kr 3 000 000 inkl mva til fase to av rassikring ved Bryggjeslottet.

Saksopplysningar:

I samband med raset som gjekk i fjellsida over Bryggjeslottet 28.mai 2021, engasjerte Modalen kommune geologar frå NGI til å bistå i arbeidet med å sikra ferdseilen i og rundt Bryggjeslottet.

Geologane synfarte rasstaden fredag 18.06.21. I etterkant av synfaringa bad Modalen kommune om ei attendemelding med vurderingar og anbefalingar. Det vart då lagt fram ein framdriftsplan for Modalen kommune kor dei tok sikte på å ferdigstilla rapport om skredfarevurdering og alternative sikringstiltak i løpet av juni 2021. (**Vedlegg 1.**) Kart. (**Vedlegg 3**) Vidare framdriftsplan tok sikte på at detaljprosjektering vart utført ila hausten 2021 og at sikringsarbeidet kunne ta til våren 2022.

Bakgrunn

Med bakgrunn i kommunen sitt ynske om å kjappast mogleg kunna starta reparasjonsarbeidet på Bryggjeslottet og å ta i bruk bygget igjen, bad Modalen kommune, NGI i møte 23.06.2021 om å utarbeide ein beskrivelse på naudsynte tiltak for midlertidig bruk av Bryggjeslottet.

Med utgangspunkt i beskrivelsen « Midlertidig sikring av Bryggjeslottet» (**Vedlegg 2**) hadde kommunen dette ute på anbod, der Gjerden Fjellsikring AS vart tildelt jobben. Denne jobben viste seg å vera ein del større en først antatt.

I eit felles møte mellom Modalen kommune, NGI og Gjerden Fjellsikring AS den 22.nov 2021 vurderte NGI den akutte faren for steinsprang mot bygget som over ved fullført rensk. I slutten av desember 2021 vart Gjerden Fjellsikring AS ferdig med rensk av fjellsida. I tillegg til rensk har Gjerden Fjellsikring AS sett opp eit wiregjerde langs ytterkant av hylla kor det opprinnelege raset først traff samt kartlegging av behovet for bolting.

Vurdering

Arbeidet med rensk som vart ferdigstillt i slutten av 2021 er skildra som eit midlertidig sikringstiltak og kan difor sjåast på som fase ein av arbeidet mot ei forsvarleg sikring av Bryggjeslottet. Den umiddelbare risikoen for steinsprang vart fjerna slik at bygget kunne takast i bruk igjen, og arbeid med reparasjonar kunne ta til.

Mesteparten av kommunens reparasjonsarbeid på Bryggjeslottet vert dekket av KLP forsikring.

Vidare sikringsarbeid er heilt avgjerdande for å ha moglegheit til å oppnå tilfredsstillande sikkerheitsklasse (*S3 TEK 17*) .§ 7-3. *Sikkerhet mot skred - Direktoratet for byggkvalitet (dibk.no)* Boltinga som ein no skal i gang med er det naturlege neste steg i arbeidet mot ei forsvarleg sikring av bygget.

Tiltaket vert vurdert å vere av investeringsmessig karakter og utgiftsførast og finansierast i investeringsrekneskapen/-budsjettet.

Konklusjon

Rådmannen tilrår at det vert løyvd totalt kr 3 000 000 inkl mva til fase 2 av rassikring ved Bryggjeslottet.

Prosjektet har til no hatt ein kostnad på kr 5,4 millionar inkl mva i 2021.

Finansiering:

Saldo på Næringsfondet pr 1.1.22 er kr 2,5 millionar.

Saldo på Generelt disposisjonsfond pr 01.01.22 er kr 5,1 millionar.

Det vert tilrådd å finansiere utgift til rassikring i 2022 på totalt kr 3 millionar slik:

Mva-kompensasjon kr 600 000

Bruk av næringsfondet kr 1 200 000

Bruk av generelt disposisjonsfond kr 1 200 000

Med utgangspunkt i gjeldande drifts- og investeringsbudsjett for 2022 vil venta nivå på fonda pr 31.12.22 vere slik dersom finansieringa av rassikringa vert som tilrådd:

Næringsfondet kr 1,8 millionar

Generelt disposisjonsfond kr 4,3 millionar

Formannskapet - 010/2022

FOR - behandling:

Rådmann Jo Tømmerbakke og teknisk sjef Tone Selmer Skuggevik orienterte om bakgrunn for saka, prosessen og krav til rassikring.

Tidsramme; om lag 10 veker arbeidstid og målet er å bli ferdig med alt arbeidet knytta til raset til sommaren.

Samrøystes vedteke

FOR - vedtak:

Rådmannen tilrår at det vert løyvd totalt kr 3 000 000 inkl mva til fase to av rassikring ved Bryggjeslottet.

Vedlegg:

Vedlegg 1 Bryggjeslottet skredfarevurdering med forslag til sikringstiltak_endelig

Vedlegg 2 Midlertidig sikring av Bryggjeslottet

Vedlegg 3 Område for rensk